

HUNO UBVA

NGA ITSHO TSHIFHINGA

 Ngoho ndi zwavhuđi u vhuuya huno ra pfa murathu, mufunzi, a tshi ɳea vhuțanzi ha tshilidzi tsha Mudzimu, na musidzanyana wawe. Izwo zwi tou nga Murena Yesu, u ita zwithu zwa u ralo. Zwa vhukuma ndi zwone.

² Zwino, ro takala nga maanda, madekwana a ɳamusi, u vha na riŋe, muňwe wa vhaeni vhashu fhano, sa zwine ra i vhidza zwone, tshumelo ya thabelo vhusiku ha Nwaha Muswa, khonani yanga yavhuđi, Mukomana Ernie Fandler, muňwe wa vharembuluwi kha Murena Yesu Kristo, khaphu ya tshilidzi. Vhubvo ha hayani hawe ndi ngei Switzerland, ndi he a bva e hone. Huno ndi a tenda, mukomana a re nae henehfo, zwine vha khou dzula ngei Shawano zwino, Mudzheremane nga mutumbukwa, ene Mukomana Waters. Ro takala u vha navho madekwana a ɳamusi.

³ Zwenezwo ri na, nahone, riŋe madekwana a ɳamusi, mukomana wa vhu-vhuthogwa wa lutendo, Afurika Tshipembe, Mukomana David duPlessis. Ro takala u vha nae, na ene-vho. Nahone ri...David na nne ri—ri kha ndavhelelo, kana ri khou rabela, huno Murena nga a ri nee muňwe mushumo muhulwane rothe, uyu ńwaha u daho, ngomu kha la Afurika na zwipiđa zwo fhambanaho zwa shango. Mukomana David u fhano zwino u amba nga hazwo, na u rabela nga hazwo, vhukati ha zwino na Musumbuluwo, u dzhia tsheo ya u tou ri lini na uri ngafhi, ngomu kha—kha Afurika, na u ya kha zwipiđa zwo fhambanaho zwa shango. Vhunga, Mukomana David o vha e na ofisi khulwane nga maanda kha Khuvhangano ya Shango ya Pentekoste, nahone ndi a divheaho kha vharangaphanda vhanzhi vha vhurereli kha shango lothe. Nahone o vha a tuťuwedzaho nga maanda kha u kwengweledza na u itisa, u swika hune ra vha hone zwino, u thusa u disa Muvhili wa Yesu Kristo fhethu huthihi, wa dinomineisheni dzothe dza lutendo. Hu sa londwi uri ndi tshifhio (vhone) tshivhidzo tshine vha vha natsho, kana ndi ifhio (vhone) pfungavhuŋe ye vha swaiwa ngayo. Ndi itsho, Tshivhidzo, Tshe Kristo a tshi fela.

⁴ Huno ndo elekanya kanzhi nga ha hezwo. Ndo vha ndi tshi anzela u thusa u swoga dzikholomo, zwifhinga zwinzhi, nnđa Vhukovhela. Ro vha ri tshi gonya ɳtha, Mukomana David, huno ra dzula ngei nnđa he vha swogela kholomo ɳtha nga kha luhura lwa ȳambuwo, ɳtha ngomu dzithavhani, u dzi kanzwa

kha...u dzi litsha dza fula mafuloni, one...a daka. Musi, zwipiða zwa hatsi zwe vha zwi tshi khou aluwa fhasi, zwipida zwa hatsi ha ðakani. Zwenezwo vha haða zwipida zwa hatsi, huno vha kanzwa dzikholomo nn̄da nga—nga tshifhinga tsha vhuriha, musi zwe vha zwi na ðumbu ña mahada nga maanda, n̄tha dzithavhani.

⁵ Huno ro vha ri tshi anzela u dzula henefho kha sale huno ra sedza mulindadaka a tshi pfukisa idzo kholomo; huno bulasi iñwe na iñwe, afho fhasi, ye ya kona u bveledza thani ya hatsithusa. Arali vho vha vha tshi nga bveledza thani dza futhanu dza hatsithusa, izwo zwe amba uri vho vha tshi nga kona u vhea kholomo dza futhanu. Arali vho vha vha tshi nga kona u bveledza thani dza tshigidi dza hatsithusa, miñambi ya dzikholomo ya tshigidi yo vha i tshi ðo kona u fhira. Munna muñwe na muñwe, o fara pfungavhune ya thole dzawe. Vha sedzesia dzipfungavhune, a hu na zwiñwe, bulasi dzo fhambanaho, u itela uri vha si dici vanganye. Huno zwenezwo musi dzone...

⁶ Mulindaðaka, o vha a sa khou takalela nga maanda uri ndi lushaka-de lwa dzipfungavhune lwe lwa vha lu tshi khou fhira, ngauri ho vha hu na tshakha ðøthe dza dzipfungavhune. Fhedzi ho vha hu na tshithu tshithihi tshe zwa vhukuma a ðo tea u tshi tola, itsho tsho vha tshi tshisumbavhuyo tsha malofha. Dzo ðo tea u redzhisitariwa Hereford, kana dzo kundelwa u fhira khoroni. Vha a dici humisela murahu. Ni a vhona?

⁷ Huno ndi elekanya uri iyo ndi ndila ine zwa ðo vha ngayo kha Khathulo. A hu nga vhiuri ndi lushaka-de lwa pfungavhune lwe ra lu ambara, fhedzi arali tshisumbavhuyo tsha Malofha tshi henefho. Itsho ndi tshone tshithu tshi no ðo—tshi no ðo vha tsha ndeme, tshisumbavhuyo tsha Malofha.

Huno nn̄e ndo takala nga maanda Mukomana David e na riñe.

⁸ Huno ndi vhona uri Mukomana Estle Beeler o vha e fhano lwa tshifhinga tsho fhiraho. Ndo mu vhona a tshi takuwa ngei murahu, a tshi bva huñwe fhethu. Huno vhañwe vhashumeli vhane ra khou ðoda u vha pfa, madekwana a ñamusi. Huno, zwenezwo, huno ndi a humbulela Mukomana Ruddell na vhañwe vha ðo vha vha tshi khou dzhena, ngauri vha khou yo dzula u swika vhusikukati.

⁹ Naho zwe ralo, Mukomana David a nga si dzule u swika vhusikukati. Ndi munna a no ðodea nga maanda, huñwe na huñwe. Huno zwenezwo Mukomana Rodgers o no zwi pfa zwauri o vha e hangeno, mulandu, u khou yo rumela huno a vha nae hangei nga awara ya fumi. Ngauralo izwo zwe amba uri u ðo vha a tshi khou ñuwa hafha, hu si kale nga maanda, u wana ndila ngei nn̄da tshipembe ha Louisville.

¹⁰ Huno ndo elekanya zwauri zwi ðo takadza, arali zwi tshi ðo luga kha Mukomana David, arali—arali ri tshi ðo ita uri a

de nthā huno a ambe zwi re kha mbilu yawe, a ri rerele, a ite zwine Murena a vhea. Rothe ri do ṭođa u pfa Mukomana David duPlessis, a bvaho Afurika Tshipembe.

¹¹ I ri ni ndi ambe izwi. Zwauri, musi ndo vha ndi, hangei kha la Afurika, kha fulo ljhulwane langa le Murena a ri nea hangei, mukomana wawe o vha e muṭalutshedzi wanga, Mukomana Justus. Ndi tenda uri dzina ḥawne ndi Mukomana Justus. Huno ndi muṭa wavhudī wa vhukuma wa vhathe, ndi avha vharathu vha duPlessis. Ndi elekanya uri hu na... Ndi humbulela uri vhoṭhe ndi vhashumeli, u ya nga hune nda ḫivha, huno khamusi khotsi, na vhone-vho, avho vho vha vhe mushumeli. Huno vha bva muṭani wavhudī wa vhathe. Huno Mukomana David o hwala dzina ljhulwane vhukati ha zwivhidzo zwoṭhe na dzidinomineisheni u mona na shango.

¹² Huno Mukomana David, ndi do ṭođa inwi ni tshi da nthā zwino huno na ri ambela, kana zwe Mudzimu a vhea kha mbilu yaṇu uri ni zwi ambe. Idani henefha nthā. Huno nne ndo takala nga maanda u divhadza tshivhidzo tshanga, madekwana a ḥamusi. Uyu ndi Murathu Orman Neville, mufunzi washu. Huno kha tshivhidzo, uyu ndi munwe wa khonani dzanga dza vhuṭhogwa, na—na maswole maṇwe nga rine tshumeloni ya Mudzimu, Mukomana David duPlessis wa Afurika Tshipembe. Mudzimu a ni fhaṭutshedze, Mukomana David.

¹³ [Mukomana David duPlessis u a amba. Tshikhala kha theiphi—Mudz.]...amba. Amene. Rothe ro ita. Mukomana David, humelani henengei murahu nga u ḫavhanya huno ni dovhe ni vhe na rine. Izwo ndi zwavhudī nga maanda. Ngoho ro takala.

¹⁴ Mukomana David o amba zwiṇwe zwithu heneffo, ndi tou tama ngavhe ndo vha ndi na pene yanga, ndo vha ndi tshi do vha ndo zwi ḥwala fhasi. Fhedzi tshifhinga tshoṭhe ndi do elelwa “vhaḍuhulu vha vhatukana; vhaḍuhulu.”

¹⁵ Zwo luga, ngoho ri takalela madalo a mukomana washu. Nahone ene ndi... o vha e... e na vhuṭumani na Khonferensi ya Shango ya vhatendi vha Pentekoste, nahone e munna muhulwane siani la mushumo wawe kha shango ḥoṭhe. Huno ri na mashudu, madekwana a ḥamusi, u vha na Mukomana David a tshi da u amba na rine vhusiku uvhu ha Nwaha Muswa. Huno ni kona u vhone zwine vhanna vhahulwane vha elekanya nga ha Murena washu, vha elekanya nga ha mulanda Wawe muhulwane.

¹⁶ Zwino ndi a tenda zwauri, matshelo, li la Nwaha Muswa, ndi awara dzi si gathi fhedzi zwino. Huno ndi tea u ḫuwa nga matshelonitsheloni, ngauralo ndo elekanya zwauri ndi do tou amba zwiṭukunyana, arali zwo luga kha Murathu Neville. [Murathu Neville u ri, “Ee. Amene.”—Mudz.] Mukomana Beeler, na vhaṇwe vhashumeli fhano. A ri nga dzhii tshifhinga tshinzhi. Huno ndi elekanya uri, arali ro vha

ri tshi do ri "Amene," huno ra ya hayani, u do vha mulaedza u mangadzaho. Huno ro vha ri tshi do livhuwa Murena malugana na zwine ra vha nazwo fhano, madekwana a ñamusi.

¹⁷ Huno zwino, fhedzi uvhu vhu vhusiku ha Ñwaha Muswa, ri tou myumvusana, nga Muvhuso wa Mudzimu, ri tshi khou rera, u swika hu tshi da Nwaha Muswa. Huno ndi na... ndi a vuwa nga matshelonî, nga u tavhanya zwa vhukuma, hu tshi kha di vha kule na duvha. Huno nne a thi muswa vhunga David. Khamusi ndi... Khamusi a thi dipfi ndi muswa sa ene. Ndi ene... A hu na zwiñwe, David ndi wa kale zwiñuku—zwiñukunyana u fhira nne. Ndi elekanya uri ndi wa kale nga miñwaha ya sumbe kana ya malo, khamusi ya fumi. Fhedzi ene zwa vhukuma ndi bola ya mulilo ya Mudzimu, a tshi tshimbila maela dza zwigidi zwa futhanu nañwaha, u itela Muvhuso wa Mudzimu. Ndilani yawe zwino ya u ya u rera ngei ha Mukomana Rodgers, huno matshelo u vha na vhañwe, huñwe fhethu-vho, na huñwe fhethu-vho, na huñwe fhethu-vho, na u vhuya ngeno hafhu nga Musumbuluwo. Huno ndi tea u tangana nae uri ri ite mbekanyo ya vhuendelamashango ha shango loñe vhu no khou da zwino.

¹⁸ Huno ri tea u vha kha la Afurika, ndo pfectesa masiari ano, nga Thafamuhwe, nga Thafamuhwe uyu—uyu u daho. Nne ndi khou yo tangana na Clayton Sondmore, a bvaho kha Vhanna Vha Bindu Vha Vhakriste Vha Mafhungo-madifha O Dalaho, ino vhege, kana ino vhege i daho, tshipida tsha u thoma tshayo, huno nda ita mbekanyo dza Jamaica, dza Haiti. Vhege i daho ndi ya ngomu Kentucky, kana fhasi ngomu Georgia, nda vha na iyo miñangano heneffo. Nda vhuya heneffha murahu huno nda tsela fhasi nda fhira nga Kentucky, vhusiku hafha, na vhusiku henengei, ndi tshi khou fasha izwi zwivhidzo. Huno nda da tswititi heneffha murahu hayani ndi tshi bva henengei, huno nda ya ngei—ngei—ngei Atlantic City, u thoma nga la 27, u swika nga la vhu30, huno nda tuwa heneffo nga matsheloni a la 1, huno nda thoma ngei—ngei Kingston, Jamaica, kha mba... thirekhe ya mbambe, uvho vhusiku, u itela muñangano wa maduvha a fumi henengei. Huno u bva heneffo u ya phanda, ngomu zwenezwo u ya kha vha Haiti, na ngafhi na ngafhi. A ri divhi hune ra tea u ya u bva heneffo, sa zwine Murena a do ri ranga phanda fhedzi.

¹⁹ Zwino, izwi zweþhe zwi khou itiwa. Ni a vhon? A tho ngo ri ee. David u fhano, Clayt u khou da. Gordon, Mukomana Gordon Lindsay u khou da, u itela Amerika Tshipembe. Huno—huno vhañwe vhoþhe, Vhanna Vha Bindu Vha Vhakriste u itela Amerika i ambaho Tshilatini. Huno zwa Mukomana David ndi zwa Switzerland, Dzheremane, u tsa fhasi. Fhedzi a ri athu ðivha. Inwi dzulelani u rabela. A thi ðodi u ya huñwe fhethu u swika Mudzimu a tshi amba uri iya, nahone u ya nga ndivho yanga ya khwinesa. Ngauralo-ha, arali ndi tshi pfa

ndi tshi rangwa phanda u ya, zwenezwo musi ndi tshi tsa kha bufho, ndi... Huno a hu londwi uri khanedzo ndi ifhio, ndi nga kona u ri, "Ndi a da nga Dzina la Murena Yesu."

²⁰ Ndo livhuwa David, vhukonani he ra vha naho rothe, ngauri uyo munna ndi munna a re na ndeme nga maanda, fhedzi ene—ene—ene zwa vhukuma u tenda uyu mushumo wa Murena. Ene zwa vhukuma u a ralo. Huno—huno madzina ashu o dzhiwa othe sa a re na vhushaka kha shango lothe zwino, Mukomana David na nne.

²¹ Huno nne ndo takala nga maanda u vha na nyandano na munna o raloho. Fhedzi, dzikhonani, ndi a zwi takalela hezwo. Fhedzi tshithu tshihulwane tshire ndi nga elekanya u vha na vhushaka natsho ndi Yesu Kristo, Murwa wa Mudzimu, uyo Muthihi muhulwane.

²² Zwino, Murathu Neville na vhaiwe vhavho vha do vha vha tshi khou amba nga zwifhinga zwi si gathi, fhedzi ndi khou todou vhala tshinwe tshithu tshitu tshi bvaho kha Luwalo zwino.

²³ Huno ndi zwavhudi, ndi a elekanya, vhusiku ha Nwaha Muswa, u vhona vhareri vho fhambanaho, na ndila ine vha sendela linwalwa, na zwine vha amba, na zwinwe-vho. Huno munna muinwe na muinwe e na ndila ya ene muue ya u rera. Ni a divha, Mudzimu ho ngo ri ita u fana. O ri ita lwo fhambanaho. O ri ita vho fhambanaho nga tshimo. O ita shango lwo fhambanaho, na dzithavha khulu, dzithavha thukhu, vhuandalala, dziphangani, maluvha mahulu matshena, maluvha a buluu, na tshakha dzothe dzo fhambanaho. U tou ri ita lwo fhambanaho. Ndi zwenezwo fhedzi. U ita thoho tswuku, na dzithoho ntswu, thoho dza muronzhe, thoho tshena; vho khwathaho, vho sekenaho, vho lapfaho, oo, na vhaiwe-vho. Ni a vhona? U tou—U tou ri ita vho fhambanaho. Mudzimu ndi Mudzimu wa phambani. Huno ndi nga izwo ndi a zwi takalela. Naa a ni ralo? [Tshividzo tshi ri, "Amene."—Mudz.] Fhedzi ha tou vha tshithu tshithihi tshifhinga tshothe? Nnenne! Nnenne! Ndi a zwi takalela izwi.

²⁴ Ngauralo kha ri fhende zwino Mañwaloni ashu, nga hangei kha Bugu ya Mateo Mukhethwa, Mafhungo-madifha a Mateo Mukhethwa, ri tshi thoma nga... Huno kha ndimana ya vhu⁴, ndi todou vhala u itela... u divhalela linwalwa, Murena a tshi khou ri thusa. Mateo Mukhethwa, ndima ya vhu⁴.

Ndi a tenda uri, ri sa athu vhala, kha ri rabele.

²⁵ Mudzimu wa Tshilidzi wa Tađulu, hafhu ndi nga mbilu dzi livhuwaho lune ra sendela uyu rwaha muswa. Huno ri sendela kha Iwe huno ra disa kha Iwe mbilaelo dzashu dza tshifhingani tsho fhiraho, huno ra humbela uri Iwe u dzi dzhenise lwanzheni lwa khangwa, huno wa si tsha elelwa zwivhi zwashu. Huno ngavhe ri sa toli fhedzi vhuvha hashu ha maya, fhedzi kha hashu... ngavhe ri tshi tola vhułama hashu na Iwe. Huno ri

hangwele zwivhi zwashu zweithe. Huno ri humbelia zwauri Muya Wau u shumane na riñe madekwana a ñamusi. Huno arali hu tshi nga vha na tshinwe tshithu-vho tshi songo kunaho nga ha riñe, Murena, tshi dzhie tshi vhe kule vhunga vhubvađuvha na vhukovhela. Tshi posele ngomu lwanzheni lwa khangwa, uri u si tsha tshi elelwa u tshi ri vhalela tshone, uri ri kone u dzhena kha uno ñwaha muswa, ro kuna, ro ñanzwiwa nga Malofha a Ngwana, huno ra vha vho ñilugisaho.

²⁶ Ngavhe uyu wa 1960 u tshi vha ñwaha muhulwanesa we ra vhuya ra U shumela. Ri ñee zwe andaho, lwa u tou pfumisa. Iyi mitangano yothe i re kati, Murena, ine ra khou elekanya nga hayo na Mukomana duPlessis, na u mona na shango, ngomu Asia, na ngei ngomu Uropa, na hothe-hothe u mona hothe. Murena, i ri hu vhe lufuno Lwau na Maanda Au a no ño ranga phanda kha izwi zwithu. Huno arali nga tshinwe tshifhinga-vho ri tshi nga tea u bva ndilani yo tiwaho Khethwa Yau, ngavhe Muya Mukhethwa u tshi vhea thivhelo ndilani huno ya ri imisa, Murena, huno a ri humisela murahu fhethu hu re hone. Zwi tendele.

²⁷ Fhañutshedza itshi tshivhidzo tshiñuku, Murena. Tshi no ñodou, vha tsini na miñwaha ya furaru, ndi a humbulela, tsho ima hafha zwino, sa tshihumbudzo tsha tshilidzi tsha Mudzimu, kha vhathe vha ñitukufhadzaho. Ri a rabela, Khotsi, uri U fhañutshedze Murathu Neville, mufunzi. Fhañutshedza tshivhidzo tshothe. Fhañutshedza vhalangandaka, madikoni, murangaphanda wa dzinyimbo, mutambi wa piano, na mirado zwayo yothe, vhothe, vhadededzi vha tshikolo tsha Swondaha, na vhañwe-vho vho engedzeaho. Murena, ngavhe ri tshi kona u aluwa nañwaha kha tshilidzi tsha Mudzimu. Huno ngavhe vhuraðo hashu vhu tshi aluwa ha vha ha tshivhalo tshihulwane, na-na tshilidzi tsho engedzeaho Tshau, tshetsho, u fhira zwe itshi tsha vha tshi zwone kha miñwaha yo fhiraho. Zwi tendele, Khotsi.

²⁸ Zwino ri thuse musi ri tshi sendela ili linwalwa line ra khou ñodou li vhala, Ifpi Lau. Huno Iwe fhedzi, Murena, u nga kona u ñalutshedza huno ri rabela uri U ño ri tendela zwone, u itela Muvhuso wa Mudzimu. Dzinani la Yesu Kristo. Amene.

²⁹ Ndi khou ñivhadza zwenezwino zwe nda zwi nangela linwalwa la zwifhinga zwi si gathi zwi tevhelaho. Zwi wanala Luñwaloni hafha, huno ndi ño zwi vhala. Lu vhidzwa, ndi ñodou lu vhidza izwi, "u bva nga itsho tshifhinga."

³⁰ A tho ngo elekanya, ndo amba nga vhuñwe vhusiku, ndo vha ndi sa zwi dzhii uri ndi ño tsela phasi, ngauri mukulo wanga wo vha u tshi khou thoma u dzindela. Huno mufumakadzi wanga o ri kha ñne mulovha, kana mbamulovha, o ri, "Zwenezwo ndi zwi dzhia uri ni ño vha ni sa khou tsela phasi ngei tshivhidzoni."

³¹ Huno nda ri, “Mufunwa, a thi elekanyi nga u ralo. Mukulo wanga u khou vhavha nga maanda nahone u a dzindela.”

³² Huno zwenezwo, uvho vhusiku vhu sa athu fhira, musi ndi tshi dzula phasi huno nda doba Luñwalo, nda gidimela ngomu ha Holu.

³³ Mukomana Sothmann a da. A ri, “Naa ni ḍo vha ni tshi khou ya ngei tshivhidzoni matshelo vhusiku?”

Nda ri, “Iina. Ndi ḍo vha henengei.”

³⁴ Huno Meda a sedza u mona hothe kha nne, huno a ri, “A thi ni pfectesi.”

Nda ri, “A thi ni lavheleli uri ni nga, vhona,” nda amba, “kana muñwe muthu-vho.”

³⁵ A hu na ane a rangwa phanda nga Muya wa Mudzimu ane a nga vhuya a pfectesiwa.

³⁶ Murena washu, vho kundelwa u Mu pfectesa. O vhonala a tshi nga O amba nga iñwe ndila, muñwe muniti; huno nga iñwe ndila, muñwe muniti. Huno huñwe fhethu-vho O vha a tshi khou amba nga ha tshiñwe tshithu-vho. Nga tshiñwe tshifhinga ho vha hu Yesu we a vha a tshi khou amba, nga zwiñwe zwifhinga ho vha hu Mudzimu we a vha a tshi khou amba. Ni a vhona? Na vhafunziwa vho amba heneffo, phedziseleni, vha ri, “Vhona, zwino Iwe u amba zwi khagala. Zwino ri a pfectesa.” Ni a vhona?

³⁷ Huno Yesu a ri, “Naa ni a pfecte-... Huno ni a tenda zwino?” Ni a vhona, nga murahu ha hezwo.

³⁸ Inwi ni nga si tou kona u zwi ita, ngauri ni rangwa phanda nga Muya. Huno ni thoma u ita tshiñwe tshithu, ni wanulusa uri ni a vhona uri ni... Mudzimu u ḥoda u ni shumisa huñwe fhethu. Ni tea u ima *hafha* huno na yā *hafha*, ni tshi khou tou rangwa phanda nga Muya. A vha pfectesei, vhathu vha mangadzaho vha rē na vhutshilo vhune vha ḥoda u vhu kumedzela kha Mudzimu.

³⁹ Huno zwenezwo tshifhinga tshothe ndi ri, “Ndi ḍo ita itshi arali Murena a tshi funa.” Ni a vhona? Arali ndi tshi ita pfulufhedziso kha nnyi na nnyi, “Ndi ḍo zwi ita arali Murena a tshi funa.” Ni a vhona? Huno ngauralo-ha, zwenezwo, arali hu si lufuno lwa Murena, ndi ḍo vha... Ndi ḍo amba nga ha yuu Mulaedza arali Murena a tshi funa. A nga mmbidza, heneffha kha yuu Mulaedza, u namela nda ya California. Ndi ḍo vhetshele tshiñwe na tshiñwe thungo huno nda namela nda ya California, u ya nga hune nda kona u ya.

⁴⁰ Huno ndi ḥodou tshila nga u ralo. A thi ḥodi tshithu tshi no mbofhelela phasi. A thi ḥodi tshiñwe tshithū tshihuluhulu kana tshiñwe, hune tsha vhauri tshi na ndeme ya dolara dza dzimilioni, huno ni tea u wana tshelede nnzhi ngafho, ḫuvha

liñwe na liñwe, u mmbofhelela fhasi. Ndi ṭodou vha, hune, musi Mudzimu a tshi ri, “Ndi ṭoda u tshi tsela fhasi hafha kha avha vhathu. Hu na vhañanu vhavho fhedzi. Fhedzi tsela fhasi henengei, huno u dzule henengei u swika Ndi tshi u vhudza uri u ṭuwe.” Ndi ṭodou ya henengei. A thi na u kombetschedzea, hu tou vha... nahone arali A tshi ṭoda ndi tshi ya seli ha lwanzhe.

⁴¹ Zwino ngezwi, ndi kha di bvou zwi bula, u ya Dzheremane, kana ngei-ngei Afurika. Huno muñwe musadzi wa mumilionere, nga tshenetsho tshifhinga tshe Muya wa zwi vhea kha nñe zwa u ya ngei Afurika, o ri, “Ndi ḍo lambedza lwendo huno nda badela tshiñwe na tshiñwe tshalwo.” Ni a vhona? Ndi zwenezwo fhedzi. Ndi ngani ndi tshi tea u vhilaela nga ha tshelede na zwithu, ngeno Khotsi anga e nazwo zwothe? Ni a vhona? A nga kona u tou amba na uyu munna o pfumaho, kana uyo munna o pfumaho, kana avha vhathu, kana avho vhathu, huno a hu na ḥodea ya uri nñe ndi vhilaele nga hazwo. Ni a vhona? Mudzimu u tou zwi ḥogomela zwothe.

⁴² Mukomana Roy, iyo ndi ndila ya u tshila. Itonu Mu litsha a zwi ḥogomele. Ndi zwavhuđi nga maanda.

⁴³ Zwino kha ri fhende Mañwaloni ashu, kha ndima ya vhu4. Huno kha ri thome u—u vhala, kha ndimana ya vhu12 ya ndima ya vhu4 ya Mafhungo-madifha u ya nga Mateo Mukhethwa.

Zwino musi Yesu o vha o no... Huno zwino musi Yesu o vha o no pfa zwauri Yohane o valelwa dzhele, a ḥuwa a ya ngei Galilea;

...a ḥutshela Nazaretha, a da huno a dzula Kapernaume, u re kha khunzikunzi ya lwanzhe, mikanolonji ya Sebuloni ngei Nafutali:

Uri zwi khunyelele zwe zwa ambiwa nga Yesaya muporofita, a tshi ri,

Shango la Sebuloni, na shango la Nafutali, tsini na ndila ya lwanzhe, seli ha Yorodane, Galilea la Vhannda;

Vhathu vhe vha dzula swiswini vho vhona tshedza tshihulwane; huno kha avho vhe vha dzula kha madzingu a murunzi wa lufu tshedza tsho vha ḥavhela.

U bva nga itsho tshifhinga Yesu a thoma u rera, na u ri, Shandukani: ngauri muvhuso wa ḥadulu u tsini.

⁴⁴ Ndi ṭodou amba nga ha ḥoho: *Huno U Bva Nga Itsho Tshifhinga.* Ni a ḫivha, sa muthu, rothe ri elekanya nga ha zwithu u bva kha tshiñwe tshifhinga. Tshithu tshikenerene tsho itea, huno u bva nga itsho tshifhinga. Huno zwino, zwifhinga zwinzhi, ni ḥangana na munna wa kale kana musadzi wa kale, huno vha takalela u amba nga zwa murahu zwa tshifhinga tshe tshiñwe tshithu tsha itea, tshine vha kona u tshi swaya zwavhuđivhuđi huno vha ri, “Ho vha hu nga itsho tshifhinga.”

⁴⁵ Zwino, ndi dzhia zwauri ndi kačukučuku rothe hafha, madekwana a namusi, ri nga vhidza murađo, khumbudzo ya zwiňwe zwithu two iteaho nga tshiňwe tshifhinga. U bva nga itscho tshifhinga, tshiňwe tshithu tsha shanduka. Tshithu *tshikenenene*, tsho bvelela nga itscho tshifhinga. Huno u bva nga itscho tshifhinga u ya phanda, tsho vha tsho fhambanaho. Huno ndi tshithu tshavhudi uri ri a kona. Huno dziňwe dla idzo nyelelwo, dla zwithu zwine ra elekanya nga hazwo, ndi zwithu zwi re na ndeme two shandukaho. Huno hu na zwiňwe zwithu zwine zwa si vhe na ndeme nga maanda u elekanya nga hazwo.

⁴⁶ Sa tsumbo, arali musadzi o tshikafhalaho, we a ri, "Ho vha na tshifhinga tshe nda vha ndi musidzana wavyudu, o lugaho, wa vhudilisi. Huno nga vhuviwe vhusiku, kana huňwe fhethu, tshiňwe tshithu tsha bvelela." Huno u bva tshifhingani itscho, o vha e kha ndila mmbi. Vhutshilo hawe ho tshinyiwa nga tshivhi, na vhutswu na swiswi, huno khačhulo fhedzi yo mu lindela. Fhedzi u kona u elelwa, u bva nga itscho tshiňwe tshifhinga, two bvelela musi o dzhia ndila mmbi.

⁴⁷ Mu-munna o kambiwaho, madekwana a namusi, zwičaračani, a no khou lingedza u nwa uri mačungu awe a vhe kule. Inwi ni nga di mu takusa. Vhunga ndo vha ndi ngei fhasi fhethu ho tsireledzwaho nga mačari hafha, tshiňwe tshifhinga tsho fhiraho, ngei New York, vhukati vhuhulwane ha vhathe vho kambiwaho. Ndo vha ndi tshi khou tshimbila na muňwe mushumeli. Huno ho vha ho ededzwa munna, oo, hu tshi tou vha na vhanna vhanzhi, vha sa vhaisi, vha si na thuso, vho edela henefho nga phanda ha zwičambaro zwavho ho ńukala hothe, huno-huno ndebvu dzavho dici kha zwifhačuwo zwavho zwočhe, huno vha tshi tou vha kha nyimele i sa takadzio. Huno vho vha sa vhaisi lwo fhelelaho.

⁴⁸ Huno uyu mushumeli a ri, "Takusani uyo, huno ni tou mu vhudzisa."

⁴⁹ Huno nda ya kha uyu munna we a vha o edela mulenzhe muthihi u kha bambara ya modoro, huno thoho yawe yo edela fhasi tshičaračani, nahone he a vha a sa koni u—u—u ya hone nga zwiňwe zwifhinga, kha phera dla vhuawelo. Oo, o vha a tshi tou vha kha nyimele i sa takadzio. Huno nda mu fara, huno nda ri, "Naa ni a kona u amba?" Huno a si mphindule.

⁵⁰ Ngauralo mushumeli a tsela fhasi. O divha two engedzeaho nga ha u shumana nae. Huno a mu vhudzisa, "Naa ni nnyi?"

⁵¹ Huno mafhedziseli a vha o mu karusa lwo edanaho, u swika a tshi do ri, "Arali ni tshi do nthengela tshinwiwa!" Huno a da u wanulusa, a kona u sumba bannga ye a vha a tshi anzela u vha muphuresidennde wayo.

⁵² "Zwo luga," a ri, "ri vhareri. Naa ni nga mmbudza zwe zwa itea?"

"Arali ni tshi do mpfulufhedzisa tshinwiwa!"

⁵³ Zwo ralo, ra kundelwa u ita hezwo. Nda ri, “Ndo kundelwa u engedza vhułungu kha małungu ańu. Ndi ɬodou ni thusa.”

⁵⁴ Nganea yawe yothe. U da hayani, nga vhułwe vhusiku, huno ho vha hu na, lwe a lu vhidza, luñwalo lwa “John a Funwaho” kha ṫa—tafula. Zwenezwo, mufumakadzi wawe o vha o mu ṭutshela. Huno o vha o... O vha a tshi mu funa. Huno ene o vha o no dzhia vhana vhawie. Huno a ṫaliwa, huno ene a shavha na muñwe munna. Huno a ri, “A tho ngo ḫivha zwe nda vha ndi tshi nga ita, u thuntshela maluvhi anga nnda, kana ndi nga ita mini. Ngauralo nda—nda tsela fhasi ngei sałununi.” Huno u bva nga itsho tshifhinga, o vha e henefho. Izwo zwi kha shango lothe.

⁵⁵ Muzwifhi. Inwi ni nga ɖi dzhia muñwe, vhunga ndo amba kha munna, liñwe ḫuvha, we nda elekanya uri o vha a tshi khou amba miswaswo. Huno nda ɖa u wanulusa, zwauri, o amba mazwifhi manzhi u swika zwa vhukuma a tshi a tenda, ene mune. Huno nda ri, “Naa ndi mini tshi no ni ita uri ni ite hezwo?” Huno nda dzula fhasi uri ndi ambe nae. Nda ri, “Ndi ɬodou ni vhudzisa. Idzo nganea a dzo ngo tshilotshedzwa lune vhatu vha nga dzi tenda.”

⁵⁶ A ri, “Wa u thoma ane ndi nga vhuja nda elelwa a tshi amba.” O ri, “Ndo vha ndi mutukanyana we a aluswa hayani havhudı.” Huno a ri, “Ndo bva huno nda daha sigareṭe dza siliga ya muso, u tou itela u vha o thanyaho. Huno ndi la gofhi, u dzi bvisa kha mufemo wanga.” Huno a ri, “Ndo zwi ita tshifhingani tsho fhiraho murahu ha tshumela ya kale, murahu ha nnđu.” Huno a ri, “Ndi nga si ɖo hangwa na kathihi, musi mma vha tshi mpfara, huno vha ri kha nñe, ‘Sonny, i ri ndi nukhedze mufemo wańu.’ Huno nda vhudzula mufemo wanga tshifhałuwoni tshawho, huno vha ri, ‘No la gofhi uri ni bvise tshińwe tshithu kha mufemo wańu. Naa no vha ni tshi khou itani? Naa no vha ni tshi khou daha dzisigareṭe?’”

⁵⁷ Huno a ri, “Tshińwe tshithu tsha mmbudza uri ndi vha vhudze ngoho.” A ri, “Fhedzi nda ri, ‘Hai, mma. Ndi dadisa mbilu yanga. Ndo vha ndi sa khou daha dzisigareṭe.’” A ri, “Huno u bva nga itsho tshifhinga, izwo zwo zwi thoma.”

⁵⁸ Rine rōthe ri nga wana tshińwe tshithu tshi no—tshi no thoma nga tshińwe tshifhinga. Huno u bva zwenezwo u ya phanda, zwithu zwa shandukiswa. Huno hu na zwińwe zwithu zwa ndeme zwine ri nga elekanya nga hazwo. Vhanna vha re na ndivho dzavhudı vho lingedza u thoma zwithu nga huswa, u ita zwithu nga tshińwe tshifhinga.

⁵⁹ Sa tsumbo, musi muđagasi u tshi waniwa nga Benjamin Franklin, huno vho vha vha tshi kona u u kunda. Vha thoma u ri, “U bva nga tshino tshifhinga u ya phanda, a hu tsha ɖo vha na dzinndwa. Ngauri, uyo, uyu muđagasi u nga kona u džheniswa ngomu khurani, u na maanda mahulu o raloho, u swika hu si na munna ane a nga pukisa.” Vho amba zwavhudı.

⁶⁰ Huno zwenezwo nga murahu ha Nndwa ya Shango ya U Thoma, musi—musi Kesara Wilhelm o saina mulangano wa mulalo. Riñe ro vhudzwa ngeno kha la Amerika. Ndo vha ndi mutukana wa minwaha i tqodaho u swika ya tahe. Fhedzi ndi kona u elelwa vhathe vhothe vha tshi ri, “Ri nga si tsha vha na inwe nndwa na kathihi. U bva nga tshino tshifhinga u ya phanda, yo dzudzanywa, zwa lini na lini.” Fhedzi ro do vha na inwe nndwa.

⁶¹ Huno musi U.N. khulwane. Kana, ndi do ri, iyo i sa athu da, vho vhumba tshe tsha vha tshi tshi pfî Liga ya Lushaka. Huno vha ri, “Zwino a ri tsha do vha na dzinndwa, ngauri ri na Liga ya Dzitshaka i no do linda shango. Huno arali hu na muvutshelano huñwe fhethu, avha vhanna vha bvaho kha lushaka luñwe na luñwe vha do ya henengei huno vha langa shango.” Fhedzi ho vha hu u kundelwa. Vho bvela phanda na u vha na dzinndwa. Huno U.N. i do vha zwenezwo zwithihi.

⁶² Ri a vhudzwa zwino nga u bvumba zwauri vhusiku ha matshelo kana vhusiku ha Swondaha... Munna onoyo muthihi we a bvumba nga ha Pearl Harbor, u swika kha tshifhinga tshenetsho kokotolo tsha uri ma—mabufo a do i boma, o amba, zwauri, “Vhusiku ha Swondaha nga awara ya fumimbili n̄ha ha tshithoma, uri phesente dza fusumbéhanu dza vhathe vha Amerika dzi do vha milora, uri Russia i do boma United States, uvhu vhusiku ha Swondaha vhu daho nga awara ya fumimbili.” Munna onoyo muthihi o porofitaho nga ha Pearl Harbor. A vha khou zwi bvisela nnda, ngauri vhathe vha a nyanyulea. A thi zwi tendi. Ni a vhona? Hai. Ngauri, li nga si kone u kondélela nndwa ya atomo. Linwe lavho li fhira nga kha tshithivheli tsha mubvumo, nga ndila iyi, ri do vha posa nga iyo ndila, huno shango li do vha zwipiða. Tshinwe tshithu tshi tea u bvelela, nangwe, Yesu a a athu da. Izwo ndi zwone.

⁶³ Sa tsumbo, tshivhili tshiswa tsho malaho. Ho vha na tshinwe tshifhinga tshe vha mala. Huno vhone—vhone vha vhea miano yavho fhethu huthihi. Huno vha fulufhedzisana, nga tshawho, u fulufhedzea havho. Huno vha amba, zwauri, “Ri do funana, ra tondana nahone ra tsireledzana, samusi rine vhuvhili hashu ri tshi khou tshila.” Fhedzi hu da tshifhinga tshe tshinwe tshithu tsha bvelela.

⁶⁴ Izwi zwithu zweþhe heneþho, ho vha na tshifhinga tsha musi tshinwe tshithu tsho bvelela. Huno khamusi miano yavho yoþhe, na ligi dza dzitshaka dzoþhe, na zwinwe-vho, khamusi dzo vha dzi na ndivho yavhuði, fhedzi dzoþhe dzi da vhufheloni. Dzoþhe dzi a kwashékana, fhasi ha mi—mi—milenzhe ya muthu. Nga ndivho dzoþhe dzine ri nga kona u vha nadzo, fhedzi dzoþhe dzi fanela u da vhufheloni.

⁶⁵ Fhedzi hu na tshifhinga tsha hune munna a nga da kha tshinwe tshithu tshi re tsha U Ya Nga Hu Sa Fheli. Itsho ndi

musi, munna, tshifhinga tsha musi munna a tshi ḥangana na Mudzimu. Izwo ndi musi tshiñwe tshithu tshi tshi bvelela tshi re tsha U Ya Nga Hu Sa Pheli.

⁶⁶ Ri ita khakho dzashu. Huno ri ita miano yashu vhusiku ha Ḋwaha Muswa, u i kwasha fhedzi ḫuvha li tevhelaho. Ri fhenda masiatari maswa, nahone ra ita miano. Huno ri ya kha vhotshifhe huno... A ri iti, fhedzi Vhakatolika vha a ita. Huno ra bula, huno ra saina zwa u fulufhedzisana, huno ra da kha aliñari huno ra fhendä masiatari maswa, fhedzi zwothé zwe vha zwa lifhedzi. Ngauri, tshifhinga tshi tevhelaho tsha musi muñwe a tshi pfuka ndila yashu kana tshiñwe tshithu, uho u sinyuwa hu do fhufhela heneffo murahu hafhu. Tshifhinga tshiñwe na tshiñwe ri tshi dzhena vhulemeni kana tshiñwe tshithu, zwi do bvelela hafhu.

⁶⁷ Fhedzi hu na fhethu hune munna a nga da, kha tshifhinga, tshine tsha do mu shandukisa lwa lini na lini, lwa U Ya Nga Hu Sa Pheli. "A no do da kha Nñe, Ndi nga si mu thudzele kule," Yesu o amba. Munna a nga da kha Mudzimu, huno vhuyo hawe ha U Ya Nga Hu Sa Pheli hothe ha shandukiswa. Huno munna a nga ḥangana na Mudzimu, huno na kathihi a nga si tsha vha onoyo muthihi. Inwi ni nga si ḥangane na Mudzimu huno na sala ni onoyo muthu muthihi we na vha ni ene. Arali na Mu furalela, ni do vha muthu o vhifhesaho we na vhuya na vha ene. Arali ni tshi Mu ḥanganedza, ni na Vhutshilo Vhu Sa Pheli, huno U do ni vusa nga ḫuvha la u fhedzisela, nga pfulufhedziso Yawe.

⁶⁸ Ho vha na tshifhinga tshe ha vha hu na munna we a vha a tshi vhidzwa Abrahamu, a daho a tshi bva kha Vhakaladea, huno a dzula muđini wa Uri. Huno o vha e munna o lugaho, munna wavhudži. Thaňwe, khamusi a nga di vha o... Khotsi awe thaňwe vho luvha zwifanyisamudzimu, ngauri vha bva ngei Babele. Huno o vha a tshi tou vha munna zwawe, nahone o vha a tshi khou kalaha. O vha e na ya fusumbethanu, huno mufumakadzi wawe e na ya furathithanu.

⁶⁹ Huno Abrahamu, liňwe ḫuvha, musi ḥaňwe o vha e nnnda tsimuni, a tshi khou zwima kana tshe a vha a tshi khou ita, a tshi khou fula mitshelotshelwana, kana zwe mushumo wawe u nga di vha wo vha u zwone, o ḥangana na Mudzimu. Huno u bva nga itsho tshifhinga, a shandukiswa. O kona u vhidza zwithu zwe zwa vha zwi siho, sa zwe zwa vha zwi hone, ngauri o vha o no ḥangana na Mudzimu. O ḫivha muniti na awara ye a ḥangana na Mudzimu ngayo. Zwo mu shandukisa. Huno Mudzimu a mu vhidza uri a vhe khotsi a tshaka nnzhi. Huno o tenda Mudzimu nahone a tenda pfulufhedziso Yawe, ngauri o vha o ḥanganedza Mudzimu. Nga murahu ha miňwaha ya fumiňhanu, vho vha vha tshi khou amba, vha tshi khou lingedza u mu nengwa, vha tshi mu vhudza zwauri o tenda tshithu tsho khakheaho. Fhedzi

Bivhili yo ri, “O khwaṭha u fhirisa tshifhinga tshoṭhe, a tshi nea Mudzimu thendo.” Ngauri, o zwi ḋivha zwauri Muḍzimu o ḋo tea u vhulunga pfulufhedziso.

⁷⁰ Izwo ndi musi munna a tshi ṭangana na Mudzimu. Zwi shandukisa tshivhumbeo tshawe. Zwi mu nea tshipfi tsha n̄thesa. Vhunga ndo vha ndi tshi khou amba nga vhuṇwe vhusiku, munna wa mvelo u na zwipfi zwitānu fhedzi. Fhedzi, mutendi, musi a tshi ṭangana na Mudzimu, u wana tshiṇwe tshithu tsho fhambanaho. Ndi tshipfi tsha n̄thesa tshi no mu takulela nga n̄tha ha mirunzi. Tshi mu ita uri a tende zwithu zwine zwi sa konadzee u khunyelela. U kha di tenda zwauri zwi ḋo khunyelela, ngauri Mudzimu o amba nga u ralo. Musi munna a tshi ṭangana na Mudzimu, tshiṇwe tshithu tshi a itea.

⁷¹ Ho vha na tshifhinga tshe munna a vha o pfumbudzwa kha vhuṭali hoṭhe, theolodzhi yoṭhe ya Ipfi ḍa Mudzimu. O ḋi divha nga ledere. O vha o dzheniswa tshikolo. O vha e na digirii dzoṭhe. O vha o thanya nga maanda u swika a tshi kona u funza zwikola zwa Egipita na vhadededz vihavho. O vha a tshi i ḋivha yoṭhe, nga ledere. Fhedzi goswi li nayo, le ḍa vha li tshi khou gidima, lo bvela nn̄da nga murahu ha phanga huno lo vha li tshi khou lisa nngu dza mutsinda. Fhedzi ho swika tshifhinga tshe musi Mudzimu a tshi tangana nae henefho, tshiṭakani tshi swaho. Huno u bva nga itsho tshifhinga u ya phanda, Mushe a shandukiswa, ngauri o ṭangana na Mudzimu tshiṭakani tshi swaho. Huno o livhana na Mudzimu nga zwifhaṭuwo, o kundelwa u vha a kha di fanaho.

⁷² Musi munna kana musadzi... A thi londi uri ni ita miano mingana, kana ni fhenda masiaṭari mangana maswa. U swika ni tshi ṭangana na Mudzimu, ni nga si kone u shandukiswa. Fhedzi musi ni tshi tangana luthihi na Mudzimu, zwenezwo ni a shandukiswa zwa lini na lini.

⁷³ A zwo ngo shandukisa Mushe fhedzi. Zwo shandukisa Israele. Zwo shandukisa Egipita. Zwo shandukisa shango nga itsho tshifhinga, ngauri munna muthihi o ṭangana na Mudzimu huno a Mu dzhia u ya nga Ipfi Lawe.

⁷⁴ Tshine ra ḫoda ḥamusi ndi muṇwe muthu a no ḋo ṭangana na Mudzimu, vho livhana zwifhaṭuwo, huno a amba Nae, nzulele. Musi vhanna vha tshi ṭangana na Mudzimu, zwithu zwi a shandukiswa. Zwa vhukuma. Iyo ndi yone n̄dila fhedzi ine ri nga vha na zwithu.

⁷⁵ Huno u bva nga itsho tshifhinga u ya phanda, Mushe lone goswi, Mushe uyo we a vha a tshi khou gidima, o no shandukiswa. Huno u bva nga itsho tshifhinga, u vha mulanda wa Murena. Tshifhinga tshoṭhe zwi shuma nga iyo ndila. Musi munna a tshi ṭangana na Mudzimu, zwithu zwi a shandukiswa.

⁷⁶ Ho vha hu na musidzanyana nga tshiṇwe tshifhinga, a sa fhir miñwaha ya fumimalo, kana e si wa kale nga u ralo, we a vha e

ndilani yawe ya u ya tshisimani nga mariwe matsheloni, u wana bakete la madi, fhasi ngei Nazaretha. O vha e musidzanyana a takadzaho. O tenda. O vha e na lutendo. Fhedzi, nga ayo matsheloni, a tangana na Mudzimu. Huno Mudzimu a mu vhudza tshiñwe tshithu, huno a tshi tenda. Huno tsha shandukisa buđo loþhe la vhutshilo ha musadzi, huno la mu ita a sa fi. Dzina lawe lo vha li Maria, mme a Murena Yesu washu. Uyo mufumakadzi muþuku o vha a tshi tou vha musidzanyana zwawe, fhedzi o tangana na Mudzimu. Huno u bva nga itsho tshifhinga u ya phanda, tshiñwe tshithu tsha bvelela. Zwa vhukuma.

⁷⁷ Ho vha hu na munna we dzina a vha a tshi pfi Petro, murei wa khovhe wa kale wa vhuhali, hu na khonadzeo ya uri o vha e na vhuhali vhunga vha tshi nga da. Huno ene hu na khonadzeo ya uri o vha e u sukumedza huhuluhulu ha khunzi. Ngauri, fhano nga tshiñwe tshifhinga, ndo vhona litambwa, li no vhidzwa, "Murei Wa Khovhe Muhulu." Ndo elekanya zwauri yo vha i þhalutshedzo yavhudzi nga maanda ya Petro, ngauri o vha e muthu muhulu wa kale wa vhuhali. Ho ngo londa tshithu. Ho ngo tenda na tshithu. Fhedzi, liñwe duvha, a tangana na Mudzimu. Huno u bva nga itsho tshifhinga, a shandukiswa. U bva nga itsho tshifhinga, a vha muapostola wa Murena Yesu Kristo.

⁷⁸ Vhunga Mukomana David duPlessis o vha a tshi khouri vhudza tshifhinganyana tsho fhiraho, nga ha Saulo wa Tharasisi, muvhulahi, we a vha o fara badzhi ya vhavhulahi, yeneyo, huno a tanziela, huno a nea vhutanzi ha lufu lwa Stefano ene mufelalutendo. O vha e na manwalo zwikwamani zwawe, a u tsela fhasi kha vhaeletshedzi vha—vhahulwane vha zwivhidzo, huno a fara vhathu vhe vha vha vha tshi khouri itesa phosho, vha tshi khouri þavha mukosi, nahone vha tshi khouri renda Mudzimu. O vha e munna muhulwane maþoni a Vhafarisei. O vha e Mufarisei wa Vhafarisei. Fhedzi, liñwe duvha, o vha e ndilani yawe ya u ya Damaseko, huno a tangana na Mudzimu. Tshedza tsha penya u mona nae. Huno u bva nga itsho tshifhinga u ya phanda, o vha a si tsha vha Saulo wa Tharasisi. Fhedzi o vha e Paulo, uyo a ditukufhadzaho, uyo wa vhulenda, ngauri o vha o tangana na Mudzimu, huno A mu shandukisa.

⁷⁹ Ho vha hu na wa mapele o edelaho khoroni. Madzilafho oþe a mushonga o kundelwa u mu fhoodza. Zwilonda zwawe zwi re na vhulwa two vha two no vha zwiwlwane nga maanda u swika zwanda zwawe zwi si tsha vha zwa u imiselwa nþha, futhi. Huno milenzhe yawe, ho ngo kona tshothe u i kokodza. Tshiiimo tshawe tsho vha tshi si na fulufhelo. Fhedzi o tangana na Mudzimu, liñwe duvha, a tshi bva nga khoro. Huno a gwadama huno a luvha, nahone a ri, "Arali Iwe u tshi funa, Iwe u nga nnyita o kunaho."

⁸⁰ Huno A ri, "Ndi ðo funa. Ivha o kunaho." Huno u bva nga itsho tshifhinga, ho ngo tsha dovha a vha na mapele, ngauri o tangana na Mudzimu.

⁸¹ Ho vha hu na munna o pofulaho we a vha o dzula nga thungo ha ndila. Huno o kundelwa u vhona tshedzari a tshi bva swiswini. Ho vha hu si na tshe tsha vha tshi tshi nga mu thusa. Linwe duvha, Muñwe a ða a tshi khou tshimbila a tshi bva mudini wa Yeriko, huno musi o tangana na Mudzimu; huno u bva nga itsho tshifhinga, a kona u vhona. A dovha a vhona. U vhona tshedza ha dzhena ngomu matoni awe, huno a vhona hafhu. Ngauri, u bva nga itsho tshifhinga, musi o tangana na Yesu, o vha e munna o fhambanaho. O vha a tshi vho vhona.

Musi muthu a tshi tangana na Mudzimu, tshiñwe tshithu tshi a bvelela nga ngoho-ngoho.

⁸² Ho vha hu na mutthannga, nga tshiñwe tshifhinga; a hu na u timatima, mudzulapo wavhudi wa shango, fhedzi madambi a a mu ðela. Huno o vha e kha nyimele yo vhifhaho nga maanda u swika nn̄u ya dzhele i tshi kundelwa u mu fara. Huno vha mu vhofha nga dzingedane. Huno o vha e na gomane ya vhodiabolo, khae, u swika a tshi kona u vunda dzingedane huno a divhofholola. Huno vhodiabolo vha mu khadela ngei zwaloni, he a dzula ngomu henengei. Huno a dzhia mbaba huno, a vha na tshiñhu nga maanda, a ditshetshekanya. Oo, o vha e muthu a ofhisaho. Musi ayo madambi a tshi mu tutshela, a hu na u timatima o vha a tshi elekanya, “Naa nne ndi khou itani hafha?” Huno nga itsho tshifhinga, vhodiabolo who vha vha tshi ða khae hafhu, huno vha mu tshetshekanya na u mu kherukanya. Fhedzi, linwe duvha, a tangana na Yesu. Huno u bva nga itsho tshifhinga u ya phanda, mpengo wa Gadara a vha na thalukanyo i re ngonani, o ambara, o dzula milenzheni Yawe. O kona u humela hayani, sa nzhinga. O kona u vhuya kha vhutshilotshedza. O kona u humela murahu kha vhafunwa vhawe, huno a kona u ri, “U bva nga itsho tshifhinga, ndo shandukiswa.” Ee.

⁸³ Ho vha hu nga linwe duvha, hangei Khalivari, musi Mudzimu na lufu vha tshi tangana, vho livhana zwifhatuwo, musi Vhutshilo na lufu zwi tshi ða fhethu huthihi. Fhedzi izwo ndi musi Vhutshilo, Kristo, o tomola luvholela kha lufu. Huno u bva nga tshetsho tshifhinga, lufu a lwo ngo tsha vha na luvholela ngomu halwo. Ndi takalela nga maanda hezwo. Mudzimu! Lufu na Mudzimu vha tangana, vhothe. Lufu a lwo ngo tsha fana. A lu tshe na luvholela khalwo zwino. Mutendi wa Mukriste a nga kona u tshimbila a livhana nalwo huno a ri, “Oo lufu, naa luvholela lwau lu ngafhi? Tshalo, naa gundo lau li ngafhi?” Ndi ngani? Zwothe zwo tangana na Mudzimu. A zwo ngo tsha fana u bva tsheetsho-ha.

⁸⁴ A hu na munna ane a nga vha a fanaho, a hu na tshithu tshine tshi nga vha tshi fanaho, musi tshi tshi tangana na Mudzimu luthihi. Ni nga si vhe a fanaho na kathihi.

⁸⁵ Ndi kona u elelwa ndo edela hafha nthā ha mmbete wa sibadela. Madokotela a nne miniti miraru ya u tshila. Mbilu yanga i tshi khou divhitā, kafumisumbe nga muniti. Nda tangana na Mudzimu. U bva tsheetsho, a tho ngo tsha fana. Tshiñwe tshithu tsha bvelela kha nne. A hu na we a kona u mmbudza tsho fhambanaho-vho. Bill Branham a fa. Nda tangana na Mudzimu, huno Tshiñwe tshithu tsha dzhena kha nne. A tho ngo tsha vha a fanaho na kathihi u bva nga uyo muniti we nda tangana Nae. O ntshandukisa. O nnyita tshiñwe tshithu tsho fhambanaho. Ho vha hu si u dzhia muano wa Nwaha Muswa, fhedzi ndo tangana na Mudzimu.

⁸⁶ Vhanna na vhasadzi, musi ni tshi tangana na Mudzimu, ni a shandukiswa. Ri ita miano ya Nwaha Muswa washu madekwana a ñamusi; ra humela murahu matshelo nga matsheloni, u i vunda; duvha li teyhelaho, u i vunda. Fhedzi zwine ra tea u ita, a si muano wa Nwaha Muswa, fhedzi ri tea u da ra livhana nga zwifhañwo na Mudzimu, huno ra vha na Vhutshilo Vhu Sa Fheli, ra bebwa nga Muya Wawe.

⁸⁷ Ho vha hu na munna o kalahaho, nga tshiñwe tshifhinga, huno o vha a tshi kundelwa u shumisa ñhalukanyo yawe. Diabolo o vha a tshi dzulela u mu sindela nn̄da hayo. Liñwe ñuvha, nn̄da tsimuni, a gwadama fhasi uri a rabele. Musi o vha a tshi khou rabela, a gwela tshitanda. A ri, “I ri itsi tshi vhe tshihumbudzo. Sathane, arali wa vhuya wa ña kha nne hafhu, ndi do u sumbedza itsi tshitanda. Ndi ño u vhudza zwauri henehafha ndo tangana na Mudzimu, huno zwo dzudzanyiwa u bva hafha u ya phanda.” Izwo ndi zwone zwine ra ñoda, khamusi hu si tshitanda tsimuni, fhedzi huñwe fhethu, luñwe lufhera lwa tshiphirini, huñwe fhethu. Hu si . . .

⁸⁸ Oo, madekwana a ñamusi, hu ño vha na miano ya madana i dzhiwaho, ya zwigidi yayo i dzhiwaho. Huno ñwakani ri ño tea u i dzhia yothe, hafhu. Ri ño ri, “Ri ño litsha u zwifha. Ri ño litsha u ita itsi. Nahone ri ño vhetshela thungo tsinyuwo yashu. Ri ño itela Mudzimu zwo engedzeaho. Ri ño ita itsi, kana itsho, kana tshiñwe,” u wana fhedzi uri, ndi zwa liphedzi.

⁸⁹ Fhedzi zwine munna a tea u ita, madekwana a ñamusi, ndi u ña a livhana na Mudzimu nga zwifhañwo. Huno u bva zwenezwo u ya phanda, ndi ene tshivhumbwa tsho shandukiswaho. Haleluya! Oo, ndi tama ndo vha ndi tshi nga zwi amba nga ndila ine nda zwi tenda. Fhedzi musi munna a tshi tangana na Mudzimu, u a shandukiswa, u bva nga uyo muniti, lwa maduvha awe othe. Na kathihi a nga si tsha vha a fanaho, ngauri u na Vhutshilo Vhu Sa Fheli. Ndi ene tshivhumbwa tshiswa. Zwithu zwa kale zwo fhira, huno zwithu zweøhe zwo no vha zwiswa khae. U vhonala e muswa.

⁹⁰ Munna a lwalaho a nga livhana na Mudzimu, musi madokotela o amba, “U khou yo fa.” Fhedzi a nga tshimbila

a livhana na Mudzimu, huno a phuphuthela mulandu wawe. Huno u do bva, e muthu o fhambanaho, huno u bva nga itsho tshifhinga u ya phanda.

⁹¹ Oo, ndi elelwa Congressman Upshaw, o dzula kha tshidulomilinga lwa miñwaha ya furathirathi. Uvho vhusiku, hangei California, musi Muya Mukhethwa u tshi tsa, huno wa thoma u amba, o tangana na Mudzimu. Huno u bva zwenezwo u ya phanda, o kona u tshimbila a si na migo yawe.

⁹² Ndo vhona tshifhinga tshe vhatu vho liwaho nga pfuko vha vha vho edela, vha si na tshitihu nga nnda ha murunzi. Huno madokotela o vha a tshi fhira huno a ri, "Vho tuwa." Vhafunwa vhavho vha a kuvhangana nga ngomu, u amba maipfi a u fhedza e vha kona, khavho, thutuwedzo. Fhedzi vho tangana na Mudzimu, huno, u bva nga itscho tshifhinga u ya phanda, vho shandukiswa. Vha tshila lwo fhambanaho.

⁹³ Ndi kona u vhona musadzi muvhni, hangei tshitaratani. Ndi kona u vhona tshidakwa, hangei phasedzhini. Ndi kona u vhona muhoi, hangei tshivhidzoni. Idzo tshakha dzo fhambanaho dzothe dza vhatu, Nwaha Muswa muñwe na muñwe, dzi tshi khou fhenda tariswa, nahone dzi tshi khou lingedza u ita tshinwe tshitihu tsho fhambanaho, dzi tshi khou lingedza u ita dzindifho nahone dza ita zwinwe-vho. I ri ni vha tangane na Mudzimu, nga tshinwe tshifhinga, na u bva zwenezwo u ya phanda.

⁹⁴ Yesu o rerela avho u bva zwenezwo u ya phanda, vhe vha dzula madzinguni a murunzi wa lufu.

⁹⁵ Huno ndi ri, madekwana a ñamusi, arali munna a tshi todia u vha na tshanduko ya vhukuma i tshi da khae, i ri ni a de a livhane nga zwifhatuwo na Mudzimu, huno a tangane Nae nga tshinwe tshifhinga, zwenezwo a nga kona u ri, "U bva zwenezwo u ya phanda, u bva nga itscho tshifhinga u ya phanda, ndo vha munna o shandukiswaho. Ndi a zwi ñivha nga tshenzhemo."

⁹⁶ Nga tshifhinganyana, tshivhidzo tshi do vha tshi tshi khou kuvhangana hafha u mona na alitari. Ni do vha ni tshi khou kumedza matshilo anu, nga huswa. Ni do vha ni tshi khou zwithu, nahone ni tshi khou vhea zwithu kha alitari. Mukomana, i ri ni ndi ni nee inwe ngeletshedzo. Arali ni sa athu tangana na Mudzimu na kathihi, no livhana zwifhatuwo, i ri ni ndi ni vhudze tshinwe tshitihu. Inwi dzulani kha iyo alitari. Itonu dzula henefho u swika ni tshi tangana na Mudzimu, zwenezwo ni nga sumba nga munwe wanu murahu kha uvho vhusiku ha Nwaha Muswa. A si, huno na ri, "Ndo fhenda siatari liswa. Ndo ita muano muswa." Fhedzi, "U bva nga itscho tshifhinga u ya phanda, ndo tangana na Mudzimu. Huno vhutshilo ho shanduka, huno zwithu zwo vha zwo fhambanaho. Huno tshinwe na tshinwe tshi vha tshiswa, kha nne, hafhu, u bva nga itscho tshifhinga u ya phanda," tshifhinga tshine na tangana na Mudzimu.

⁹⁷ A si, tanganani na Nwaha Muswa. Ri khou yo livhana nawo, nga miniti i si gathi. Nga murahu ha tshifhinganyana, nga awara dzi no ṭodou swika mbili na hafu, ndi zwi dzhia nga u ralo. Khamusi fhasi ha hedzo. Ri do vha ri tshi khou ṭangana na Nwaha Muswa, ro livhana zwifhaṭuwo. Ri do ṭangana nawo ri na miano. Ri do ṭangana nawo ri na dzipfulufhedziso. Ri do ṭangana nawo ri na ndivho yavhudi. Ri do ṭangana nawo, ri tshi ri, "Ri do lingedza u fhenda siaṭari liswa. Ri do lingedza u ita lwo fhambanaho." Izwo zweṭhe ndi zwavhuđi. Ndi a zwi takalela hezwo.

⁹⁸ Fhedzi mukomana, a zwi nga vhi zwa U Ya Nga Hu Sa Fheli u swika ni tshi ṭangana na Mudzimu, u thoma. Musi ni tshi ṭangana na Mudzimu, u thoma, huno, u bva zwenezwo u ya phanda, tshiñwe na tshiñwe tshi do vha tsho fhambanaho.

Kha ri rabele musi ri tshi kotamisa zwifhaṭuwo zwashu.

⁹⁹ Murena Yesu, Murwa wa Mudzimu, ndi elelwa tshifhinga tsha musi ndi tshi ṭangana na Iwe, Murena. Ndi a elelwa, muthu a ṭungufhadzaho, a tshi khou tshila vhutshilo havhuđi ha vhudilisi, a sa gidimi u mona hoṭhe, a tshi nwa, kana u gembula, kana u daha, kana zwiriwe-vho. Fhedzi ndo zwi ḋivha, Murena, musi lufu lu tshi da u tswa ngomu lufherani lwa itsho sibadela, miñwaha ya fumbili yo fhiraho, ho vha hu na tshiñwe tshithu tshe tsha vha tshi tshi khou shaea vhutshiloni hanga. Henehfo ndo ṭangana na Mudzimu, huno u bva nga itsho tshifhinga. U bva nga itsho tshifhinga, Murena, ndo lingedza u U shumela. Vhutshilo hanga ho shandukiswa huno tshiñwe na tshiñwe tshi vhonala tshi tsho fhambanaho. Ndo takala nga maanda uri ndo ṭangana na Iwe, Murena. Huno madekwana a ñamusi, ndo livhana na Nwaha Muswa, ndo takala nga maanda u amba zwauri ndi nga livhana nazwo ndi na Muya wa Mudzimu a tshilaho mbiluni yanga.

¹⁰⁰ Ri nee dzitshenzhemo, Murena. Ri nee zwa vhuvhuya Hau na khathutshelo. Ri hangwele zwivhi zwashu. Huno ri tendele ri tshile kha uyu ñwaha u ḍaho, Oo Murena Mudzimu, ri na tshenzhemo, ya uri ro ṭangana na Iwe huno matshilo ashu o shandukiswa. Zwi tendele, Murena. Ri hangwele u kundeliwa hashu. Vhea ngomu hashu Muya Mukhethwa Wau. Ri range phanda nahone u ri endedze.

¹⁰¹ Khotsi, Mudzimu, ngoyu 1960, wo livhana na nne. Huno hu na zwifhinga zwa muṭangano wa shango loṭhe, hune zwa vhonala zwi tshi nga na mahumi a zwigidi a tshi andiswa nga zwigidi, na zwigidi na zwigidi zwa vhahedeni vha songo vibvaho, vha vhuhedeni, na vhanwe-vho, vha nga di da kha Iwe. Oo Murena Mudzimu, ndi na Muya Wau mbiluni yanga, ndi livhana na alitari Yau, madekwana a ñamusi, huno nda livhana na Iwe, huno nda ri, "Nthuse, Oo Mudzimu. Mbilu yanga i khou swa nga vhufuteleli. Ndi a U funa, Murena. Ndi ḋinekedza kha Iwe, nga tshumelo. Nthange phanda huñwe na huñwe hune Wa ḫoda u nthanga phanda. Nthume huñwe na huñwe hune Wa ḫoda u nthumela hone, Murena. Itou amba, huno ndi do ya."

¹⁰² Fhaṭutshedza tshivhidzo tshanga. Fhaṭutshedza Murathu Neville. Fhaṭutshedza vhatu vhoṭhe fhano, vhatsinda khoroni dzashu. Huno avha vhafunzi vha no do vha vha tshi khou amba, tshifhinga na tshifhinga, u ya phanda nga madekwana, ndi a rabela, Mudzimu, zwauri U fhaṭutshedze mushumo wavho. Fhaṭutshedza Murathu Neville. Fhaṭutshedza Mukomana Junie Jackson. Mukomana Beeler, avha vhaiwe vhashumeli vhoṭhe, vha fhaṭutshedze, Khotsi. Ri nee nwaha muhulwane nga 1960.

¹⁰³ Rine, Murena, vhanne ra zwi diṭha uri ro ḥangana na Iwe, ro livhana zwifhaṭuwo, huno ri tshi zwi diṭha uri zwi ambanu u bebwa hafhu nga Muya Wau, ri nee zwa tshilidzi Tshau tsha U Ya Nga Hu Sa Pheli, u U shumela. Dzinani la Yesu ri a rabela. Amene.

¹⁰⁴ Ni a Mu funa? [Tshivhidzo tshi ri, “Amene.”—Mudz.] 1960, ni songo zwi tendela zwi tshi vha, zwauri, “Ndo fhenda siaṭari liswa.” Ni songo zwi tendela zwi tshi vha, zwauri, “Ndi lingedza u thoma vbutshilo vhuswa.” Fhedzi zwi tendeleni zwi tshi vha, zwauri, “Ndo ḥangana na Mudzimu, huno u bva nga itsho tshifhinga, itsho tshifhinga u ya phanda, ndo vha na mulalo u fhiraho pfeseso. Ndo vha na dakalo li sa ambei, nahone lo ḫalaho vhugala. Ndo vha na pfusho. Naho arali lufu lwa tea u ḫa kha nne, ndi do vha zwandani zwa Mudzimu, muniti nga murahu ha musi mufemo wanga wa u fhedzisela wo kokodzwa. A hu londwi tshire tsha ḫa kana tsha ḫuwa!”

¹⁰⁵ I ri ni vha li thuthubise, vhusiku ha Swondaha, arali vha tshi ḫoda. Vha tshi ḫoda u ralo, bomo i do vha i sa athu fhedza u fhandula u swika ri tshi do vha ri Vhugalani na Ene. Amene. A hu na tshithu tshire tshi nga ri vhaisa. Haļeļuya!

¹⁰⁶ Ndo takala nga maanda ndo ḥangana na Mudzimu. Ndo takala nga maanda uri ndi nga ri, “U bva nga itsho tshifhinga.” I kandeledzeni u swika afho fhethu! “Musi ndo ḥangana na Mudzimu, tshiňwe tshithu tshiṭuku tsha kale ngeno nnanda, huno Mudzimu a tsela heneffo huno a nne tshilidzi Tshawe, huno a ntshidza, huno a mphodza, nahone a nnadzwa nga Muya Wawe. Huno a ntendela u rera Mafhungo-mađifha Awe, hune ha vha khuliso khulwanesa ine ya vha hone shangoni. U bva nga itsho tshifhinga, u swika nga tshino tshifhinga, na kathihi a tho ngo vha na u disola na huthihi. Fhedzi ndo vha a livhuwaho, mađuvha aya oṭhe, nahone ndi do vha nga u ralo, kha Vhutshilo-tshoṭhe hoṭhe, uri ndo ḥangana na Mudzimu.

Mudzimu a ni fhaṭutshedze. Zwo luga, Murathu Neville. 

HUNO U BVA NGA ITSHO TSHIFHINGA TSV59-1231
(And From That Time)

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga madekwana a Łavhuṇa, Nyendavhusiku 31, 1959, Thaberenakeṇi ya Branham kha ja Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ḡhalutshedzo ya Tshivenda yo gandiswa huno ya phaḍaladzwa nga vha Voice Of God Recordings.

TSHIVENDA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuṭuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org